



Broj: 01-05-7697-1/25-VLA

Datum: 29.07.2025. godine

Za: **Parlament Federacije BiH
Predstavnički/ Zastupnički dom**

Adresa: Hamdije Kreševljakovića 3, 71000 Sarajevo

Za: **Vlada Federacije Bosne i Hercegovine**

Adresa: Hamdije Ćemerlića 2, 71000 Sarajevo

Za: **Federalno ministarstvo prometa i komunikacija**

Adresa: Tvrtka Miloša bb, 88000 Mostar

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 08-08-2025			
Org. jed.	Broj	Priloga	Vrijednost
05/1	- 02 -	359	/25

Predmet: ODGOVOR NA POSLANIČKO PITANJE, dostavlja se

Poštovani,

Slijedom poslaničkog pitanja koje je postavio Sanel Kajan, poslanik u Predstavničkom domu Parlamenta Federacije BiH, dostavljenog aktom predsjedavajućeg Predstavničkog doma Parlamenta Federacije BiH br. 05/1-02-359/25 od 21.07.2025. godine, te dopisa Vlade Federacije BiH, br. 03-04-800-3/2025 od 23.07.2025. godine, upućenog JP Ceste Federacije BiH i zaprimljenog 25.07.2025. pod gornjim brojem, u nastavku dostavljamo sljedeće odgovore.

Članom 6. Ustava FBiH koji je usklađen sa članom 3. Ustava BiH utvrđeno je da su službeni jezici Federacije BiH bosanski jezik, hrvatski jezik i srpski jezik. Službena pisma su latinica i ćirilica.

U članu 3. stav 1. Pravilnika o prometnim znakovima i signalizaciji na cestama, načinu obilježavanja radova i prepreka na cesti i znakovima koje učesnicima u prometu daje ovlaštena osoba ("Službene novine BiH", br. 06/06), jasno je navedeno da se natpisi na prometni znakovima ispisuju latiničnim i ćiriličnim pismom, i to na taj način da natpisi budu ispisani prvo ćiriličnim pismom u Republici Srpskoj, a latiničnim pismom u Federaciji Bosne i Hercegovine. Članom 8. ovog Pravilnika determinirano je da se prometni znakovi, signalizacija i oprema na cestama postavljaju na osnovu prometnog projekta.

Za postavljanje i uklanjanje znakova na magistralnim cestama nadležna su javna preduzeća, JP Ceste Federacije BiH u FBiH i Putevi Republike Srpske u RS.

U skladu sa članom 13. Zakona o cestama Federacije BiH („Službene novine FBiH“, br. 12/10) upravljanje, građenje, rekonstrukciju, održavanje i zaštitu magistralnih cesta u FBiH vrši JP Ceste FBiH.

Prometni znakovi, signalizacija i oprema na cestama postavljaju se na osnovu prometnog projekta od strane upravitelja ceste, a u skladu sa članom 76. Zakona o cestama Federacije BiH i članom 8. Pravilnika o prometnim znakovima i signalizaciji na cestama, načinu obilježavanja radova i prepreka na cesti i znakovima koje učesnicima u prometu daje ovlašteno lice ("Službene novine FBiH", br.16/07).

JP Ceste Federacije BiH je putem odgovarajućih procedura javne nabavke izradilo novelirane prometne projekte magistralnih cesta po kojima je izvršeno postavljanje prometne signalizacije i

cestovne opreme. U navedenim projektima kao i u svim odobrenim nalazima za dopunu i izmjenu prometne signalizacije, te nalogima za postavljanje signalizacije, predmetni znakovi su sa oba službena pisma, u skladu sa članom 3. gornjeg Pravilnika.

U svrhu potvrde navedenog, u nastavku se nalazi izvod konkretnog primjera iz naloga za postavljanje signalizacije od 23.02.2024. godine.

31	M17 014	NAZIV NASELJENOG MJESTA		III-84	150 x 65	postaviti znak na stac. - 2+200 L (dotrajać)	1 kom
32	M17 014	ZAVRŠETAK NASELJENOG MJESTA		III-85	150 x 65	postaviti znak na stac. - 2+200 D (dotrajać)	1 kom

Prometni znakovi prikazani na priloženim fotografijama su postavljeni bez odobrenja te ćemo dati nalog izvođaču radova redovnog održavanja ceste da se postave novi odgovarajući prometni znakovi, prema navedenoj dokumentaciji.

U skladu sa članom 5. Pravilnika o postavljanju reklamnih znakova na cestama ("Službene novine FBiH", br. 75/10) nije dopušteno postavljanje reklamnih znakova na raskrsnicama, unutrašnjim stranama oštih krivina, cestovnim objektima (portal tunela i unutar tunela, mostovi, nadvožnjaci i sl.), na mjestima ukrštanja javnih cesta sa željezničkom prugom, s drugim prominentnim znakovima zajedno, niti se smiju postavljati na udaljenosti manjoj od 30 metara od prometnih znakova.

Vezano za pitanje konkretnog natpisa na zidu na koji se referirate u Vašem upitu, predstavnik JP Ceste FBiH je izlaskom na teren izvršio uviđaj i sačinio zapisnik sa fotografijama. Budući da je isti postavljen protivno odredbama Pravilnika o postavljanju reklamnih znakova na cestama, nadležne službe JP Ceste FBiH su uputile poziv autoru grafita koji se nalazi na potpornom zidu da isti ukloni i površinu potpornog zida vrati u prvobitno stanje.

Također, napominjemo da ovo nije jedini slučaj te da je, nažalost, većina potpornih zidova blizu naseljenih mjesta ispisana grafitima različitih sadržaja te da je veliki finansijski izazov za JP Ceste FBiH da boji iste o svom trošku, posebice imajući u vidu nedostatak sredstava za rekonstrukciju i održavanje važnijih elemenata ceste koji garantiraju sigurnost učesnika u prometu na magistralnoj cestovnoj mreži u FBiH.

Srdačno,

Dostaviti:

- Naslovu
- A/a

v.d. direktora

Ljubo Pravdić, dipl.ing.grad.